

十五『國家重點圖書出版規劃項目』

主編 張繼禹

本冊主編 李遠國

中華道藏

第四一冊

華夏出版社

目 録

001 靈寶領教濟度金書(下)	 一
002 法海遺珠	 三七二

靈寶領教濟度金書卷之二
百七十八

洞微高士開光救苦真人甯全真授
靈寶通玄弘教水南先生林靈真編

書篆旨訣品

追攝用

靈寶召二十四類傷亡符

追冤對而死傷亡符

北斗下靈機府大力將尹照，字希忠。

長八尺，裹結脚幘頭，如直符狀。

勅符呪

靈寶符命，解釋冤愆。捨惡從善，和友無嫌。宿根斷絕，使保天年。準今符命，解結升天。急急如律令。

追冤結不解傷亡符

追冤結不解聚魂攝魄斷邪皈真顯靈大神張超度，字子用。

長八尺，穿皂綉袍，右手執斧，左手執符，乘黑雲而下陰府，追取亡魂。

勅符呪

靈寶垂慈，追度幽魂。解除冤對，削罷北冥。真符和釋，超入朱陵。急急如律令。

追冤仇執對傷亡符

震雷開黑絕道生光忠德昭義追冤仇執對大神雷胥，字子霞。

長八尺，裹緋巾，黃綉袍，左手執符，右手仗劍，乘黑雲。

勅符呪

陰靈陰靈，執對寒庭。宿世冤讎，負罪幽冥。累劫無化，伸告誰憑。真符超濟，和釋上生。急急如律令。

追累劫相纏傷亡符

分釋冤對斷結除冤升濟大神周義從，字雲卿。

長八尺，裹青巾，皂繡衣，乘黑雲，左手執符，右手仗劍。

勅符呪

靈寶真符，降付幽都。解除纏對，消落黑書。真符到處，獄吏敬聽。急急如律令。

追奴婢天惡傷亡符

夜光追現攝魄解結斷恨大神盧愈，字

得然。招影露形追魂釋罪除非大神吳宣，字子玉。

長八尺，裹緋巾，著綠袍，左手執斧，右手執戟，俱乘黑雲。

勅符呪

靈寶玉笈文，追度橫死魂。開度長夜府，升濟九幽魂。真符罷冤對，和釋出幽冥。急急如律令。

追漂沉大海傷亡符

斬尸絕地分水斷沃引接尋訪攝現大神劉輝，字承善。

通天倒海絕地通靈追魂攝魄大神童金廣，字薄卿。

長八尺，裹青繡巾，著緋繡袍，左手執符，右手執斧，俱乘黑雲。

勅符呪

元始降符命，大法濟漂沉。開明長夜府，升度受生魂。急急如律令。

追被繫陰獄未解傷亡符

鳴鈴收檢洞察鬼營攝鬼解形大神周承德，字道隆。

長八尺，裹紅巾，衣緋繡袍，左手執符，右手執矛，乘黑雲。

勅符呪

靈寶符命，拯濟幽冥。諸獄囚魂，各釋消冰。冤隨善念，業報分輕。慈尊救苦，盡脫冥局。急急如律令。

追末學道淺死亡符

玉籍掌執南宮升降度魂大神孫超，字明夫。

長八尺，裹結脚幘頭，緋抹額，紫袍大袖，腰懸魚尾刀，雙手持符，乘黑雲騎龍。

勅符呪

玉清寶籙，降付幽關。地獄摧毀，鐵城開宣。末學亡者，使令神全。準今符命，返魂爲仙。修心不退，道備升天。急急如律令。

追僧尼女冠死亡符

截魔聚炁統攝萬靈昇雲衝霧還戒皈真追攝大神楊甫，字拱文。

長八尺，裹結脚幘頭，緋抹額，皂繡袍，左手執符，右手仗劍，乘黑雲而下。

勅符呪

寶籙慈文，遷拔亡魂。下降地戶，上度

儀神。解除宿業，削罪鬼群。慈魂升

度，鍊化朱陵。神皈太陽，道德日生。急急如律令。

追犯王法死傷亡符

無情斷義滅跡除魔追攝大神韓進，字寶中。

釋冤解對復體生肌全形改貌追攝大神呂馬通，字文寶。

運轉輪迴罷對釋愆捨惡遷善復影追攝大神馬明，字彥。

各長八尺，裹青紅繡巾，衣青皂綠三色繡袍，手執斧劍戟，持符，乘黑雲，有全形將、續頭將等，隨從而降。

勅符呪

靈寶真符，頒降幽冥。犯法滯魄，執對寒庭。銜冤負債，解釋無門。準今符命，釋對超生。同爲善友，鍊度朱陵。急急如律令。

追盜賊殺害傷亡符

解迷聚炁迴光大將胥延明，字信仲。

長八尺，戴鐵兜鍪，披鐵甲，外著緋繡袍，腰懸魚尾刀，左手持符，右手執戟，乘黑雲。

勅符呪

靈寶降下，徧告冥途。穿窬夜魄，被害爲徒。冤冤執對，劫劫相呼。準今符命，超度南都。形貌完復，快樂無爲。急急如律令。

追橫死傷亡符

通靈有感攝現招明拘籍搜魂追攝大神金璉，字連之。

長八尺，裹皂繡巾，著白繡袍，左手執符，右手仗劍，乘黑雲。

勅符呪

靈寶符命，勅下幽局。通靈有感，攝現昭明。橫死魂爽，執對相因。準今符命，超度南陵。急急如律令。

追廟攝橫死傷亡符

飛雲走霧誅廟搜魂破邪大神董堯，字先明。轟雷震鼓飛捷封山破廟搜訪急捉追攝大神宋先，字子鎮。

追捉萬神燒廟烈火追攝還魂復肌大神施近，字用卿。

長八尺，裹青黃黑三色巾，著綠黃白三色繡衣，各執劍戟火把，乘雲。

勅符呪

靈寶符命，急降廟庭。搜尋橫喪，來詣家庭。廟神藏匿，束送酆城。檢北律令，滅亡其形。放出魂魄，鍊質朱陵。魂神受鍊，受化更生。急急如律令。

追虎狼傷亡符

威神雄猛，飛攝騰空，封山斷虎，追猖致魄。大神閭空，字清卿。

雄貌趕逐，攝地飛空，封山走毒，斬猖歸魂。大神宋起，字漢歆。

走馭山林，騰捷郊野，封山斬狼，絕猖還神。大神孫異，字公明。

長八尺，裹青紅黑三色繡巾，手持鐵索刀鎗，在黑雲中。

勅符呪

靈寶符命，開度幽陰。虎狼喪魄，攝詣家庭。宿冤罷對，積滯消輕。準今符命，升度朱陵。急急如律令。

追水火漂焚傷亡符

德義通幽，全體安魂，引道開關，追攝大神葉跬，字升之。

長八尺，裹皂巾，衣青錦袍，左手執符，右手捧印，乘黑雲。

勅符呪

靈寶真符，下拔幽都。火焚水溺，魂魄昭甦。形神罷苦，淨魄還居。準今符命，速離幽塗。鍊質朱府，上升仙都。急急如律令。

追赴官在任死亡符

定名玉曆，掌算註籍，追魂大神黃述，字還夫。

解冤釋結，斬絕地根，大神胡明，字執先。執籍罷對，解冤升濟，大神丁玄，字通之。

溥救諸苦，齋持金簡，超度大神牛耕，字文中。

溥度幽識，齋持符命，升濟大神高遷，字勝常。

各身長八尺，裹青皂紅黃紫五色巾，

衣青袍五色，內齋持金簡，大神左手持符，右手執劍，乘黑雲。

勅符呪

太上寶籙，玉篆靈章。超度宦子，拔出血地。獄戶罷對，關鎖開張。魂神受鍊，升度太陽。急急如律令。

追軍陣鬪戰傷亡符

解鬪罷敵，攝魄大神元德，字志中。執矛忠義，威男大神張堅，字明遠。

敢死撼山，絕糧大神陸都，字希文。執戟馳魂，却死大神盧扶，字元應。把索追魂，攝魄超度大神喬恂，字志遠。追召引送，招魂大神李越，字建生。

各長八尺，裹五色繡巾，衣五色繡袍，手持鐵索，執旛齋符，乘黑雲。

勅符呪

太白運行，太乙運明。下臨分野，照彼諸軍。對敵身歿，魂入幽局。真符告下，罷對削形。和為善友，飛升紫庭。急急如律令。

追餓死傷亡符

救苦拔罪，生肌長津，全魄還源，大神趙寧，字康叔。

長八尺，裹青繡巾，衣紫袍，左手持符，右手仗劍，乘黑雲。

勅符呪

玉清真符，頒降幽都。凍餓滯魄，散蕩鬼區。賜之玉篆，超脫三塗。各生飽煖，骨肉昭甦。鍊質朱陵，上升玉虛。急急如律令。

追呪詛身死傷亡符

斬邪治病，解脫除殃，消呪詛解，冤結大神。

趙子玉，字明通。

長八尺，戴三梁冠，衣繡衣，執符持劍。

勅符呪

五極帝章，下至酆山。五獄神吏，承符察奸。追魂攝魄，解對和冤。呪詛消釋，同升上天。急急如律令。

追解釋自縊傷亡符

斷索金刀解釋自縊追攝大神宋昭，字建之。

長八尺，裹黃繡巾，衣青繡袍，持符仗劍。

勅符呪

寶章靈靈，上應天庭。冤縊自害，身歿幽冥。準此符命，和釋超升。急急如律令。

追殺死傷亡符

無情斷義追召殺傷大神梁告，字吉甫。

長八尺，戴三梁冠，著青繡衣，仗劍持符。

勅符呪

帝君有命，解釋前非。冤對相纏，和釋咸歸。亡人今世，冤業拔時。準今符

命，超度天儀。急急如律令。

追水溺傷亡符

履泉追攝顯現靈通大神劉逆接，字公超。

長八尺，裹結脚幘頭，披半青繡袍，持符。

勅符呪

江河之神，河瀆之君。升度水魂，拯拔幽沉。準今符命，火急奉行。急急如律令。

追復連古疰死魂符

斷尸解冤釋對追魂大神瞿維先，字雲卿。斷疰絕染去傳大神朱必文，字恭昭。

各長八尺，裹紅繡巾，衣大袖紅繡袍，執戟持符而降。

勅符呪

三天之靈，九疰亂神。喪神魂魄，傳疰敗真。玉清符命，追拔幽局。捨惡從善，飛昇紫庭。急急如律令。

追毒藥傷亡符

正明威武德義忠正全復形體大神劉企，字元夫。

長八尺，裹青繡巾，衣緋繡袍，持符仗劍。

勅符呪

玉清有命，告下幽局。銜冤苦爽，執對寒庭。承符解釋，超上朱陵。急急如律令。

追產育傷亡符

無義斷恩收魔攝精解釋追攝大神王志中，字美甫。持劍。

正精火目攝炁聚英解對釋愆大神陸茂，字執中。

震鼓轟雷閃目生電聚體長肌大神胡敬，字甫之。

各持弓箭條索，並裹青繡巾，衣緋袍，各持三色器械，乘黑雲直下血湖而去。

直性梗靈破穢淨濁生清大神徐立，字子元。

威靈通感眷義全形洗浣大神周克，字同先。

解釋冤愆生精致魄全形復體大神李異，字信中。

解冤釋結正魄生形致影長津復體大神

馮道，字連卿。

四神並裹青紅繡巾，著四色繡袍，各持劍，乘黑雲持符而下。

勅符呪

元始降寶籙，升度產亡魂。拔出長夜府，超上化生門。解除累劫罪，削去宿身愆。乘符往朱陵，變鍊度成仙。急急如律令。

追母喪子存符，母存子亡符，已產母子俱亡符，未產母子俱亡符。

已上四符，並同前官將。

勅符呪

天帝合明，符下幽冥。真炁成象，陰陽附行。宿愆冤對，解結開明。監生速降，衛房急生。玉真靈符，救諸產魂。大道有令，天醫全形。急急如律令。

九天普度院攝召三十六類傷亡符

第一追天噴雷震死魂符

廣度沉淪真人鹿平。

太玄冠，雲霞五色羽衣，朱履，長裾，玉珮，手執玉帝勅印，印出紅光。掐玉清訣

呼魂喚魄將軍李元吉。

皂帽，紅抹額，衣錦文袍，披金甲，吊鞦靴，執七星劍，劍出火光。掐卯文

勅符呪

唵吽吽，波吒吒。

右符，凡書時面東南，扣齒九通。掐玉文。吸西北炁紅光，吹入符中。想真人將軍，駕赤龍從東方來降入符，吸東炁布入。已後並同。

第二追剛割分身死魂符

大慈廣度真人喬和。

俯仰冠，衣青霞五色羽衣，長裾玉珮，朱履，執元始印，印出金光。掐玉文

聚魂集魄將軍英布。

披髮，紅抹額，衣皂袍，持刀，足下有黑犬一頭，口吐火焰。掐戌文

勅符呪

唵吽吽，勅叉神。

第三追官吏檢驗傷亡符

大悲救苦真人桑仲。

俯仰冠，衣紅霞羽衣，朱履，長裾玉珮，左手執水盂，右手執楊枝，上出金光。掐玉文

驅魂逐魄將軍楊廣。

鳳翅兜鍪，錦袍，金甲，吊鞦靴，手持鐵叉，又上出金光。掐寅文

勌符呪

唵吽吽娑吽。

第四追絞斬犯刑死魂符

大惠度亡真人陸先。

俯仰冠，衣黃霞羽衣，朱履，長裾玉珮，執度亡寶旛，旛上出紅光。掐玉文

抱魂守魄將軍李廣。

鳳翅兜鍪，衣錦袍，金甲，吊鞦靴，手持弓箭。掐辰文

勌符呪

唵吽吽薄義留皮務叉菩提帝孽。

第五追軍陣殺傷死魂符

隨念救苦真人木彬。

七星冠，紅霞羽衣，朱履，長裾玉珮，手持元始符命，符上出金光。掐玉文

掌魂管魄將軍錢愷。

裹紅包巾，著紅袍，吊鞦靴，手執鎗。掐未文

勌符呪

唵吽吽澤天噠利吒。

第六追生產墮胎死魂符

入門開度真人栢子章。

七星冠，紅霞鶴服，長裾玉珮，執上

帝牒，牒上出紅光。掐中指中文

收魂召魄將軍金俊。

裹紅包巾，衣皂袍，吊鞦靴，執雙刀，

面黑。掐亥文

勅符呪

唵吽吽皮婆。

第七追虎豹豺狼傷死符

大慈廣化真人徐洞神。

七星冠，紅霞鶴服，朱履，長裾玉珮，手

執水盂，盂中出金光。掐卯文屈四指

尋魂收魄將軍丁羊。

捲雲冠，繡衣，吊鞦靴，執鐵鞭，懸劍

於兩腰間。掐巳文

勅符呪

唵吽吽金婆嚩施。

第八追猛火焚燒死魂符

慈悲接引真人楊守光。

星冠，青霞鶴服，朱履，長裾玉珮，手

執水枝，枝上出雨霞如珠。掐卯文

護魂衛魄將軍王亨。

裹帽，紅抹額，綠袍，鞦靴，一執大斧，足下有黃蛇一條，口吐猛火。掐巳文

勅符呪

唵吽吽伽野味婆提訶。

第九追投江落水死魂符

慈悲救難真人童太和。

七星冠，綠霞鶴服，朱履，長裾玉珮，手

執玉印，印上出紅光。掐中指中文，屈第

五指

尋魂討魄將軍陳彥，

黃包巾，著青袍，吊鞦靴，手執火輪，

火輪上出火光。掐未文

勅符呪

唵吽吽毗皮婆十頭大叉託婆菩提訶。

第十追懸梁自縊死魂符

水濟無邊真人任子昌。

七星冠，烏霞服，朱履，長裾玉珮，手執

水枝，枝上有雨露。掐中指中文

追魂喚魄將軍張穰。

赤髮，戴鐵冠，著緋衣，吊鞦靴，手執

劍，劍上出火。掐午文

勅符呪

唵吽吽蘇斯叱披留提婆訶。

第十一追遭逢毒藥死魂符

火鍊丹界真人陸守一。

七星冠，紅霞鶴服，朱履，長裾玉珮。

手執如意寶鈴，鈴上出火光。掐中指中

文，屈第二指

安魂定魄將軍尹宣。

銀頭鎧，錦袍，吊鞦靴，執金槌，腰懸

鐵索。掐未文

勅符呪

唵吽吽務陀南三支火計叉拔訶。

第十二追墮坑落塹死魂符

廣化幽魂真人鄭大文。

七星冠，黃霞鶴服，朱履，長裾玉珮，手

執玉皇寶旛，旛上出紅光。掐中指中

文，屈第四指

隨魂逐魄將軍韓亨。

烈士冠，繡衣，吊鞦靴，手執鐵簡，足

下有一鶴，口吐白炁。掐卯文

勅符呪

唵吽吽麻叉婆帝逐流都計訶。

第十三追樹木壓損死魂符

金光洞照真人遇安辰。

星冠，紅霞鶴服，朱履，長裾玉珮，手持寶珠一顆，上出光明。掐卯文，屈第四指

追魂引魄將軍胡興宗。

金頭鎧，綠袍，吊鞦靴，執劍，劍中出火。掐午文

勅符呪

唵吽吽其勅計怒目天王娑婆訶。

第十四追磚石磕死亡魂符

隨願往生真人車大成。

星冠，紫霞鶴服，朱履，長裾玉珮，手執元始寶幡，幡上出金光。掐中指中文

引魂掌魄將軍童椿。

裹黃包巾，綠袍，吊鞦靴，手執劍，劍中出火，足下一烏雞，口吐黑炁。掐中文

文

勅符呪

唵吽吽歲除帝叱那留豆訶。

第十五追蛇犬蝮蝎傷亡符

法橋度魂真人吳計夫。

星冠，青霞羽衣，朱履，長裾玉珮，手執元始真符，符上出金光。掐中指上文

召魂攝魄將軍潘宣。

裹紅包巾，皂袍，吊鞦靴，手執金刀，足下一黑犬，口吐火。掐未文

勅符呪

唵吽吽婆斯五墓波那吒。

第十六追牛馬踐踏死魂符

大慈救苦真人舒清明。

星冠，紅青霞羽衣，朱履，長裾玉珮，手執素珠，珠上出金光。掐中指中文，屈第五指

第五指

守魂候魄將軍商計。

鳳翅兜鍪，緋袍，銀甲，吊鞦靴，手持劍，劍中出火。掐戌文

勅符呪

唵吽吽皮叉野味菩提孽訶。

第十七追牢獄囚禁死魂符

九幽拔罪真人桑洞天。

星冠，紅霞鶴服，朱履，長裾玉珮，執水盂，盂中出青光。掐中指上文，屈第五指

指

追魂攝魄將軍呂英。

青包巾，緋袍，吊鞦靴，執鐵叉，上出火。掐辰文

勅符呪

唵吽吽萬叱波留婆。

第十八追賊盜所傷亡魂符

消除罪業真人章自然。

星冠，黃霞鶴服，朱履，長裾玉珮，手執筆，筆上出金光。掐中指中文

呼魂取魄將軍陶樞。

披髮，紅抹額，面帶赤色鬚多，緋衣，吊鞦靴，手執火鈴，鈴中出火光。掐未文

文

勅符呪

唵吽吽娑豆孽帝拔留訶。

第十九追鬪毆死魂符

消除業報真人許洞升。

星冠，黃霞鶴服，朱履，長裾玉珮，手持寶印，印上出金光。掐戌文，屈第四指

管魂取魄將軍揚正。

烈士冠，赤髮，緋衣，吊鞦靴，執鐵杖。掐酉文

勅符呪

唵吽吽皮野計迷達多味。

第二十追咽喉生毒死魂符

隨品注生真人孫仲文。

星冠，青霞鶴服，朱履，長裾玉珮，手

執黃旛，旛上出紅光。掐巳文，屈第二指
拘魂追魄將運單定。

紅包巾，錦袍，吊鞦靴，執鐵槌，足下有赤蛇一條，口吐猛火。掐申文

勅符呪

唵吽吽波斯叱孽提。

第二十一追癰疽癰毒死魂符

廣度沉淪真人錢守光。

星冠，綠霞鶴服，朱履，長裾玉珮，手持玉帝符命，上出紅光。掐辰文，屈第四指

指

取魂管魄將軍項光。

鳳翅兜鍪，錦袍，銀甲，吊鞦靴，手執劍，劍上出火。掐巳文

劍，劍上出火。掐巳文

勅符呪

唵吽吽婆叉列帝娑婆訶。

第二十二追瘟疫寒熱死魂符

管魂注生真人美子昌。

星冠，紫霞鶴服，朱履，長裾玉珮，手持寶經一軸，上出金光。掐未文，屈第三指

指

呼魂召魄將軍張澄。

烈士冠，髮帶黃色，著緋袍，吊鞦靴，

手執鐵叉，足下一白貓，口吐黑炁。

掐子文

勅符呪

唵吽吽皮叉薄地吉利薩訶。

第二十三追膿血臭穢死魂符

普度幽魂真人鹿守己。

太玄冠，紫霞鶴服，朱履，長裾玉珮，

手執玉簡。掐中指上文，屈第四指

尋魂追魄將軍馮炎。

頂銀兜鍪，緋衣，吊鞦靴，面帶青色，

執雙劍，足下一黑犬，吐猛火。掐未文

勅符呪

唵吽吽吒那孽帝拔留叱。

第二十四追中風卒暴死魂符

引魂升天真人葉自仙。

星冠，緋霞鶴服，朱履，長裾玉珮，執

玉帝度亡旛，旛上出紅光。掐中指上

文，屈第五指

引魂領魄將軍林那。

裏帽，黃抹額，緋衣，吊鞦靴，手執弓

箭，足下一鷹吐黑炁。掐辰文

勅符呪

唵吽吽皮叉五味菩薩訶。

第二十五追癆瘵嘔血死魂符
永離長夜真人常益己。

星冠，黃霞鶴服，朱履，長裾玉珮，手持玉帝牒，上出紅光。掐中指上文，屈第四指

四指

保魂固魄將軍黃聲天。

紅包巾，花袍，吊鞦靴，執大斧。掐口

文

勅符呪

唵吽吽婆斯計。

第二十六追五音呪詛死魂符

引魂度橋真人伊光。

星冠，紫黃霞鶴服，朱履，長裾玉珮，手

執紅珠一串，珠上出紅光。掐中指中文

守魂掌魄將軍呂政。

披髮，紅抹額，髮青色，吊鞦靴，手執

鐵仗，上出火光。掐寅文

勅符呪

唵吽吽千神侍右皮叉立野娑訶。

第二十七追顛仆飢餓死魂符

水火鍊度真人富洞彬。

星冠，青霞鶴服，朱履，長裾玉珮，手

執水枝，上出紅光。掐中指中文，屈第五

指

收魂呼魄將軍張角。

裹紅包巾，緋袍，吊鞦靴，手執雙劍，足下一斑犬，口吐白炁。掐亥文

勅符呪

唵吽吽元留豆訶藥叉達利攝。

第二十八追蠱毒所侵死魂符

隨時應化真人莫可中。

星冠，紅黃霞鶴服，朱履，長裾玉珮，手持玉帝寶幡，上出金光。掐中指中文，屈第三指

收魂納魄將軍卓彬。

銀頭鎧，皂袍，吊鞦靴，錦衫，手執大刀。掐丑文

勅符呪

唵吽吽皮娑婆訶。

第二十九追鬼神侵損死魂符

五行炁造真人陳子章。

星冠，青白雲霞鶴服，朱履，長裾玉珮，手持元始符命印，上出紅白光。掐中指上文，屈第五指

追魂收魄將軍陳升。

赤髮，戴鐵冠，緋袍，金甲，吊鞦靴，手執銅槌，腰懸寶劍。掐丑文

勅符呪

唵吽吽唎利計婆薩訶。

第三十追道途抱患死魂符

隨機造物真人丁仲良。

星冠，紅紫雲霞鶴服，朱履，長裾玉珮，手持寶鏡一面，上出金光。掐午文，屈第五指

喚魂召魄將軍倪張。

黃包巾，皂袍，吊鞦靴，執鐵索，上出火。掐未文

勅符呪

唵吽吽吉利菩提訶火支叉。

第三十一追四肢浮腫死魂符

大悲救苦真人梅洞淵。

七星冠，紫霞鶴服，朱履，長裾玉珮，手持元始符命，上出金光。掐午文，屈第五指

召魂喚魄將軍湛青。

烈士冠，錦袍，吊鞦靴，手持鐵棒，有光。掐申文

勅符呪

唵吽吽留叉野味菩提訶苦訶。

第三十二追官訟懊炁死魂符

慈悲普救真人胡廣先。

星冠，朱霞，鶴服，朱履，長裾玉珮，左手執法水盂，右手捧玉帝印，印出金光。掐辰文，屈第五指

喚魂呼魄將軍金明。

黃包巾，吊鞦靴，手執鐵叉。掐巳文

勅符呪

唵吽吽橘律屈叉菩薩訶。

第三十三追肺破腸斷死魂符

大慧定光真人喬仲英。

七星冠，青霞鶴服，朱履，長裾玉珮，手執元始符命，上出紅光。掐辰文，屈第四指

追魂掌魄將軍彭興。

黃包巾，青袍，吊鞦靴，手執雙刀。掐巳文

勅符呪

唵吽吽皮叉野婆提帝。

第三十四追炁攻攪刺死魂符

大慈拔亡真人章立光。

星冠，紫霞鶴服，朱履，長裾玉珮，手執符命，上出金光。掐中指上文，屈第五指

勾魂追魄將軍李務。

青包巾，白袍，吊鞦靴，仗劍，上出火光。掐辰文

勅符呪

唵吽吽皮叉野味結那訶。

第三十五追橫禍侵害死魂符

火府度亡真人郭平昌。

星冠，紫白雲霞鶴服，朱履，長裾玉珮，手執元始符命，符上出金光。掐午文，屈第四指

守魂逐魄將軍李堅。

皂包巾，緋袍，吊鞦靴，手執劍，出火光。掐巳文

勅符呪

唵吽吽波那那波孽味菩提訶。

第三十六追疾患善喪亡魂符

水宮拔亡真人妻陸。

星冠，紫霞鶴服，朱履，長裾玉珮，手執明珠一顆，上出紅光。掐午文，屈第五指

驅魂逐魄將軍申陽。

紅包巾，青袍，吊鞦靴，手執鎗。掐午文

勅符呪

唵吽吽吽吽盧吽吽吒訶。

取索亡魂罪籍符

索取亡魂罪籍追攝大神葉明，字子言。

存神身長八尺，持符直下幽獄，須臾抱取文書而至。

勅呪

靈寶真符，降付幽都。取索罪籍，升度冥徒。削除業簿，登註名書。神符急下，開朗幽都。急如如上帝律令。

靈寶領教濟度金書卷之二百七十八

靈寶領教濟度金書卷之二百七十九

洞微高士開光救苦真人甯全真授靈寶通玄弘教水南先生林靈真編

書篆旨訣品

解三塗五苦符

解天塗天界上尸道色慾門玉清開

光寶符

掐玉帝訣白素青書。



三炁陽光



定慧靈樞



幽魂冠帶

變化慈

寂凝虛



法輪運轉

永免三塗

減色欲門斬尸變景流光玉符呪

上尸情慾，自號彭琚，變化九種，鳥頭蛇軀，混沌無心，或沉或浮，貪慾滋味，華色自居，走作魂魄，斷人命根，氣散神遊，放蕩三宮，七蟲無劬。真人某甲，書篆靈符，色慾已斷，死路已除。元始有命，請斬尸頭。三台監形，速出

無由。滅根絕種，勿使遺餘。亡者鍊真，三宮青虛，五帝鑒映，太乙定書，吉日沐浴，冠帶行疇，飛度無界，流景玉輿，逐景上清，乘空遨遊。急急如上帝律令。

解水塗人界中尸道愛慾門玉清開明寶符

掐玉帝訣白素白書。



開度九
開度九
六字澄清
脫彼水塗

滅愛慾門斬尸變景流光玉符呪



中尸彭質，號曰中黃，愛慾自居，停腹逃藏。沉浮變化，形無常方，執人魂魄，走作三宮。赤子馳騁，使人發狂。慾性爽神，罪由小蟲。真人某，上帝已懲，身佩玉符，玉文金章，列名玄圖，三慾已亡。元始符命，斬斷尸形，斷根絕種，勿得飛揚。亡魂受鍊，五府清涼，真仙安鎮，藏內生光。五帝鑒映，太乙列行，中元沐浴，冠帶衣裳，解形變景，流景玉光，飛升上清，食息太空，長保

自然，天地無窮。急急如上帝律令。

解地塗地界下尸道貪慾門玉清開

苦寶符

掐玉帝訣黃素白書。



滅貪慾門斬尸變景流光玉符呪


下尸彭矯，貪慾自榮，目色混沌，體無常形。依人兩足，恍動人情，言我得已，走作魂靈。三宮撓亂，赤子不寧，貪慾小蠱，假備幽冥。真人某，三鍊已清，慾門閉塞，不受邪精。元始急令，三台臨庭，速出無隱，及汝弟兄。九種子孫，一時斬形，五帝度真，太乙記名。下元沐浴，冠帶羽青，玄度三界，上飲元精。解形緣變，流景玉清，飛玄步虛，三景齊明。急急如上帝律令。

右符，掐三塗訣，存三官並於左右，降真炁入符。至焚符時，掐上帝訣。誦呪曰：

玉清寶符，元始勅行。幽途稟命，三官

解形。赦除閉繫，斷役消名。隨品受化，萬神奉行。剔訣。

玉清流光寶符




曲映九幽
性悟神飛

滅度刀山地獄流景玉符呪

解形逐變，落尸五門，三慾已清，脫故鍊新。神津內灌，體香炁蘭，玉符滅跡，地無拘攣。飛度三界，超凌雲端，魔王保真，炁合自然。七祖同升，飛步天門，五帝鑒映，萬神咸聞。急急如上帝律令。

玉清流精寶符

掐玉清訣白素白書。



命門
灌漑
靈章一告
幽寥
二帝
秀飄

滅度風刀劍樹地獄流景玉符呪

雲行飛步，逐變玉光，解形脫跡，散髮翱翔。人界無拘，乘虛空行，天魔已除，五道開通。超度風刀，形升上宮。急急如上帝律令。

玉清風景玉符



河羅瞿曇
光明混同



三景
耀衝

制會
鄧山



龍漢蕩蕩
玄上虛閑



超脫
苦津

去滅

邪奸

滅度銅柱地獄流景玉符呪

解形變神，割截貪癡，超度銅柱，越度愛津。亡魂受度，苦識咸遷，七祖解脫，九玄生天。愛累未脫，神飛上仙。急急如上帝律令。

玉清流輝寶符



八芒
榮敷



刀刃
推祖



五炁
混合



身累
滅除

滅度漣汲溟波地獄流景玉符呪

玉符解罪，神脫溟波。蕩除罪障，割切惡根。幽司罷對，寒鄉停形。出離地

獄，神得受生。快樂無爲，逍遙太空。急急如上帝律令。

玉清流霞寶符



破暗
燭幽



虛澤
九丘



斷除
華競



駕景
空浮

滅度鑊湯地獄流景玉符呪

落尸解罪，神超鑊湯。翦除華競，削落榮聲。神真內鍊，魔王保名。洞達無礙，與道同情。逍遙自然，昇宴紫庭。急急如上帝律令。

右五符，掐上帝訣，存己身為靈寶天尊，以祖炁吹之。再誦呪：

玉清寶符，元始妙章，隱玄幽象，妙達羣陽。變陰作畫，廓譬停殃。消除五累，飛度南昌。別訣

總勅呪

結空成梵，真炁自生。赤書玉字，八威龍文。保制劫運，使天長存。攝魂生神，後天無傾。急急如神霄玉清真王律令。

溟滓甘露變食符^②

溟滓大梵符勅呪

謹請大變神王，法力無邊，充滿世界。

唵吒哩喰哩喰哩。急急如律令。七遍，取天門炁吹。

甘露符勅呪

唵喻囉哩長參陀他尼陀耶多伽陀彌陀。急急如律令。

無盡符勅呪

三天無量食，充滿法界中。濟拔饑渴想，清淨無極身。唵沙謨沙謨。雷訣雷訣，帝勅帝勅，三天勅。唵勅吽唵喝唵伽吽唵靈利薩訶。二十一編

去鎖斷索開咽接續解冤諸符^③

去枷鎖符勅呪掐上帝訣

玉符開釋，宿愆咸除。枷鎖解脫，逍遙陽居。急急準上帝勅。

斷繩索符勅呪掐上帝訣

帝命赦冤，繫索離身，形神自在，得睹天真。急急如律令。

借衣符勅呪掐上帝訣

久滯幽冥，容儀穢濁。帝賜天衣，汝今粧著。容止可觀，永離衆惡。急急如律令。

開咽喉符勅呪

衆生墮輪迴，餓鬼悲且哀。咽喉針孔

小，腹肚鳴飢雷。靈寶降符命，通幽喉潤開。受食快所願，滿身生意回。急急如律令。

拾續符勅呪

靈寶符命，下濟幽冥。死非正途，肢體飄零。急與接續，還復舊形。受鍊升度，飛騰上清。

解冤釋結符動呪

太上降符命，下解三生冤。怨恨皆解脫，受化生人天。急急如律令。

和冤釋對符動呪

上帝有動，符命飛奔。冤對仇讎，速爲解紛。赦除咎罪，上朝帝君。急急如律令。

解呪詛符動呪

通靈通靈，符命速行。有冤來訴，有怨莫平。抱恨鬱結，求真神庭。罪編已具，執對幽冥。今日解釋，和合利貞。準上帝動急急奉行。

拔罪解冤符

太上天真玉帝

上符合明天帝

天真皇人度脫

幽冥正元化道

罪苦咸停十方
世界八威吐靈
日月星斗照破幽局

符契三光
三光三台三元輔赦
得度真人
下破北獄上度鬼魂

九天上帝七政八靈上清混洞
紫炁元君降赦元命升度仙魂

曲赦救命非輕北帝酆城冥
關威停鬼魂乘詣得放上登

紫微元君赦罪去業解冤
釋愆上帝符命與道合并

冤結鬼爽檢罪釋愆
承令符命得度南陵

澄正飛昇上清

動呪

天一赤文，授受三清。上應陵府，下徹幽冥。紫元符命，拔赦鬼魂。羅酆泉曲，削罪更生。上帝符命，三官解形。急急如律令。

解十冤符

冤枉抱積，中心難平。靈官和合，冤籍俱停。齊同慈受，飛登玉京。急急如律令。

河沙幽鬼衆，十冤未離身。永沉冥泉下，執對受苦辛。上帝矜悲苦，元皇降大恩。承符俱解釋，逍遙禮天真。急急如律令。

急如律令。

天醫治病符

天醫使者符動呪 掐玉清訣

玄玄皇皇，上宮下商。角徵羽神，共秉五常。天醫使者，急降壇場。急急北帝之下，隱元之旁。天醫使者，下濟黃房。拯救亡者，體淨身康。承符而召，急赴蘭堂，準上帝動。

治病功曹符動呪 取東南炁

治病功曹，承奉九天。扁鵲官吏，天醫神仙，尚藥童子，神應保元。丹芝療病，玉清延年。萬病急除，萬災莫干。傳尸鬼債，邪惡復連。蟲疰速滅，病者安然。神霄動法，百脉得痊。急急如律令。

醫二十四類病亡符動呪

四象和合，五行相生。天醫使者，受事玉清。幽魂未拯，懷恨泉扃。上帝玉符，開泰通靈。速爲治療，百脉調平。玄芝丹砂，玉液金精。萬病速去，五體安寧。

脫形離苦赤光三炁寶真符訣

先凝神，默朝青玄上帝。請命畢，存青

黃白三炁，出自三宮，先繞布一身，次徧合室，次彌滿天地，盡爲赤光炎火，亘天光明燦爛。即誦青玄睿號，左手握化魂訣，書符。以左手二指，掐大指中文中指，曲五指按入二指根，却以大指彈。書成，存赤光三炁布入。一切亡魂雖在異類中，亦因此光皆成人矣。

改形易貌符勅呪

元始上帝，太乙玉真。五星降炁，入吾符中。真人水洒，畜生相形。變爲魂魄，隨逐亡靈。聽師經法，鍊度超昇。急急如律令。

皇華玉液，日月精英。元皇炁灌，太乙改形。甲乙爲炁，丙丁作身。戊己助炁，炁化爲魂。唵吽吽麻叉孽帝，真人變形復還魂。真言九幽諸惡道，令人男女信吾功。

右符，先面北方，扣齒九通，掐卯文，默念前呪書。畢，取東方炁吹布，存見太乙君跨獅子，自東方來，入符中。次念：

運明保元上帝，三十六真人，三十六將軍，助吾法力。太上符文，洒淨法水，改

貌還形，聽吾經法，鍊度超升。急急。

呪畢，吸西北天門炁布入。及焚符行用時，掐卯文，念：

元皇正炁助吾身，太乙法文召亡魂。亡魂入腹爲牛馬，真人憐憫改身形。唵吽吽皮比噠喇訶，畜生相改還形，魂聽師經法吾鍊度，超升朱陵南上宮。急急。

青帝全形符青紙墨書

真炁 始炁 流鎮肝府
如法 始凝 還返胎嬰

五行 萬物 真人下降
造化 化生 青帝衛形

蕩除死籍 解散積滯
紫策書名 回景上清

勅呪

龍文虎章，結景肝魂。辰碧青精，結炁生靈。變景飛神，內外光榮。形神俱度，上昇帝庭。急急如東方九炁天君律令。

赤帝全形符紅紙青書

龍章 自然流玄 還返 真
雲篆 消散積結 南庭 炁

下灌固 玉根生華
養丹元 永保劫年

動呪

三炁流精，丹宮合明。炎陽上徹，紫房混神。香凝玉英，內外光盈。育我元根，登真南庭。急急如南方三炁天君律令。

白帝全形符白紙黃書

紫房 七魄 飛景 斷絕
開明 混凝 九玄 死根

胎嬰入妙 流降玉液 注受真人
陶魄鑄魂 保精自然 易貌童顏

動呪

金華皓映，陶魄鑄魂。光振九府，七魄交凝。玉誕長桑，流景洞神。肺宮合德，升入无形。急急如西方七炁天君律令。

黑帝全形符黑紙白書

混沌 五炁 結精 煥景
之合 凝真 飛晨 洞明

玄元流液 腎炁養育
吐故納新 攝真降靈

動呪